

BASAURI. Bizkaiko Foru Aldundiak 565 milioi inbertiduko ditu egitasmoan, eta Udalak orubea emon dau

Minusbaliatu psikikoentzako egoitzea eregiko dabe Basaurin

Zentro barria San Miguelen eregiko dabe, eta 2003an zabalduko dabelakoan dagoz

Kepa Ugarte |

San Miguel auzoan minusbaliatu psikikoentzat egoitza bat eregiteko hitzarmena sinatu eben atzo Rafael Ibarguen alkateak eta Ricardo Ansotegi Bizkaiko Foru Aldundiko Gizarte Ekintza diputauak. Basauriko eta inguruko herrietako beharrei erantzuteaz ganera, lurraldetik kanpoko egoitzetan dagozan gaixo bizkaitarrak joan ahalko dira bertara. Izan be, 40 pertsona ingururentzako tokia egongo da, 2003ko hirugarren hiruhilekorako amaitu gura daben zentro barrian.

Gaixoei eta euren familiakoei laguntzea emotea izan da hitzarmena sinatzeko arrazoi nagusia, Basauriko alkatearen berbetan. Ganera, Ibarguenek aitatu eban, egoitza eregiteko Bizkaiko Foru Aldundiari orubea lagatzeak «ez dau esan gura udal ondarea murriztuko danik». Izan be, Basauriko AI-1-Arteagagoiti Saileko Plan Partzialari dagokion Gizarte Hornikuntzarako egokitutako orubea erabiliko dabe. Lurzaila 1.060 metro kuadro ingurukoa da.

Gizarte Ekintza Sailak bultzatzen ari dan egoitza barriak,

RICARDO ANSOTEGI

Gizarte Ekintza diputaua

«Egoitzatik urten eta eguneko zentrorra edo lan egitera joateko aukerea daukie ezindu psikikoek»

«etxebizitzak bailtzen» planteatzen dituela aitatu eban Ansotegi: «Pertsona horreek bertan bizi behar dabe». Izan be, egoitzatik irten eta eguneko zentrorra edo lan egitera joateko aukerea eukiko dabe minusbaliatu psikikoek. Hori dala eta, erabiltzaileak gazteak eta euren kabuz toki batetik bestera mugitu ahal diran gaixoak izango dirala generatu eban diputauak.

Gaixo kopuru txikia modulo bakotxean

Gainera, gehien iota, hamabost pertsonako modulotan antolatu gura ditue egoitzak eta holako lau baino gehiago ez da egongo bakotxean. Basaurikoak be, hamar edo hamabi gaixo egongo diran hiruzpalau modulo izango ditu.



XOUSE SIMAL

Buruko ezintasunen bat daukien gaixoentzako zentroak ipini gura ditu Bizkaiko Foru Aldundiak.

Bizkaiko Foru Aldundiak ordainduko dau 565 milioi pezetako kostua. Ganera, proiektu hau minusbaliatu psikikoei laguntzea emateko ez eze, «lanpostuak sortzeko be» balioko dauela adierazo eban alkateak. Izan be, bertan lan egin ahalko dabe Basauriko eta inguruko herrietako hogei lagunek.

Gizarte Ekintza Sailak Bizkaiko Bideak enpresa publikoari emongo deutso proiektu aurrera eramateko ardurea. Honeek proiektua lantzea, obrak burutzea eta zentroa kudeatzea adjudikauko dabe, lehiaketa publiko bidez. Ricardo Ansotegik aitatu eban, 2003ko hirugarren hiruhilekorako zentroa inauguratzea espero dabe. Ganera, Barakaldon be zentroa egiteko akordioa lantzen ari dira.

EGOITZA DATUTAN

Bizkaiko Foru Aldundiak eta Basauriko Udalak sinatutako akordioari esker San Miguel auzoan eregiko da minusbaliatu psikikoentzako zentroa, 1.060 metro koadro inguruko orubean. Ganera, bertatik irten eta eguneko zentrorra edo lan egitera joan ahalko dira gaixoak.

INBERSINOIA. 565 milioi pezeta.

LANPOSTUAK. 20 langilek egingo dabe behar zentroan.

EGITUREA. 34 edo 44 gaixo hiru edo lau modulotan banatuta. Modulo bakotxean: beheko solairua (egongelea, jantokia, sukaldea, logelak, bainugela 2), 1. solairua (logelak, 3 bainugela) eta sotoa (administrazioa, gela balioanitz, langileentzako aldagelak, garbitokia, biltegia).

DATAK. Ideia lehiaketean: 2002ko urtarrila, proiektua landu: 2002ko lehenengo seiuhilekoa, obrak: hamabi hilabete, inaugurazioa: 2003ko hirugarren hiruhilekoa.

UR PARTZUERGOKA. Azpikontratek bete beharreko baldintzen artean subrogazioa sartzeko eskatzen dabe beharginek

Iñigo Olabarri |

Ur Partzuergoaren azpikontratetan beharrean dabilzan beharginek 24 orduko behar iztea egin eben atzo. Azkenengo hila-beteetan subrogazioa —azpikontratea aldatu arren, beharginen baldintzak ez aldatzea— eskatzeko egin dituen ekintzen barruan egon zan atzoko behar iztea. Greba horretaz aparte kontzentrazioa be egin eben Bilboko Federico Moyua enparantzan.

ELAk, LABek, eta CCOOk deitutako kontzentrazio horretan Juanjo Reinak, LABeko ordezkariak, beharginek datozen egunetarako daukiezan as-

Azpikontratetako beharginek hilaren 12tik aurrera mugabako grebea egitea onartu dabe

moen barri emon eban. Reinak esandakoaren arabera, atzo bertan batzarra egin eben beharginek. Batzar horretan datozen egunetan mobilizazioak gogortzeko erabagia hartu eben.

Mobilizazioen gogortze horren barruan greba orokorra deitzea egongo litzateke LABeko ordezkariak esan eban. «Ur Partzuergoa gugaz mahai baten inguruan esartzen ez bada greba orokorrera joko dogula ebatzi dogu batzarrean». Greba orokor hori abenduaren 12tik

aurrera egingo dabela iragarri eban Juanjo Reinak.

Beharginek hartu daben ebaztia gogorra dala onartu eban LABeko ordezkariak, batez be, kontuan hartuta uren hornikuntzea jokoan dagoala besteak beste. «Baina partzuergoak arazoa ez onartzeko egin dituen ahaleeginen erdiak egin balitu arazoa konpontzeko, ez ginake egoera honetan egongo», jakinarazo eban beharginen berbadunak.

Greba orokorra hasi eta gero zer gertatu leiteken jakitea ga-

txa dala onartu eban Juanjo Reinak. «Ez dakigu ze punturaino ailegau arazoko deuskuen, baina 180 beharginek asanbladan bildu eta euren eskuetan dagoen guztia egingo dabela onartu dabe», esan eban.

Orain arte hiru behar izte egin ditue. Zemendiaren 7an ordu bikoa egin eben. Azkenengo biak, zemendiaren 30ekoa eta atzokoa egun osoko grebak izan dira. «Ez dakigu mobilizazio horeen erruz eragozpenik sortzen ari garen ala ez, baina izan leiteke».

Azpikontratetan dagozan beharginek Ur Partzuergoaren barruan eskaintzen dituen zerbitzuak behar beharrezkoak dirala aitatu eban Reinak. Ur hornikuntzaren eta araztegiatoko beharretako zati handiena azpikontratek egiten dabe.

«Egoera hori ikusita ataraten dan lehenengo ondorioa da ez leukiela azpikontratautako beharginak izan behar», generatu eban. «Partzuergoak beharginak baldintza oso txarretan eukitea ebatzi badau —kasu batzuetan gitxieneko soldatea baino ez dabe kobretan—, bere zerbitzuaren arlo garrantzitsu bat holan badauka holango egoerak probokatzen ditu».